



UNIVERSITÄTS-
BIBLIOTHEK
PADERBORN

Practica Octaviani Vestrii I. C. Foro Corneliensis

Vestri, Ottaviano

Coloniae Agrippinae, 1597

VD16 V 940

De eadem camerali audientia, deq[ue] vtrisque ripæ foraneis iudiciis.

[urn:nbn:de:hbz:466:1-63002](https://nbn-resolving.org/urn:nbn:de:hbz:466:1-63002)

Vltimus & post omnes residet is, qui in camera apostolica iura & prouentus Cardinalibus designat, & alia si quæ tractantur ipsos Cardinales tangentia tueretur & defendit.

De eadem Camerali audientia, deq; vtriusq; ripa foraneis iudicibus.

CAP. XII.

SUMMARIVM.

- 1 Audientia cameralis in hebdomada in palatio apostolico conuenire solet, & quid sit eius munus.
- 2 Causse ripales ad cameralem audientiam spectant, & cur causse ripales dicantur: & de vtriusque ripa.
- 3 Notarij decem sunt in camerali audientia, & eorum quid sit munus.

Sed postquam de membris cameræ Apostolicæ satis diximus, ad corpus ipsum cameralis audientiæ redeamus. Cōsuevit * enim hæc audientia ter in hebdomada conuenire in Pallatio Apostolico, & loco suo, quem propterea cameram vocamus Apostolicam, in qua publica, quæ diximus negotia tractantur, & audiuntur causse, si quæ species sunt præter eas, quas supra diximus ministris ad partem demandatas, utpote, si de mala diplomatum expeditione per ipsam Cameram facta, si de publicis functionibus, vectigalibus, & alijs publicis prouentibus cum Ecclesiasticis ex vniuerso orbe, tum temporalibus ex statu Ecclesiæ temporali, siue inter officiales Romanæ Curie, quibus pro maiori parte designata sunt, siue inter ipsos publicanos

exa-

exactores & collectores, vel eosdem & priuatos
 seu vniuersitates, ac etiam inter ipsos priuatos
 & suas vniuersitates, vel denique si inter quem-
 libet ex prædictis & fiscum sint controuersia.
 Amplius * & causæ quoque omnium mercium,
 quæ ad hanc Urbem & ripam Tyberis ex mari,
 vel à montibus vectæ sunt nauibus quas ripales
 vocant causas. Idque sitæ iudicium inter ipsos
 mercatores, siue inter eosdem & nautas, & alte-
 rum ipsorum priuatum agatur, quas causas sue
 audientiæ Camera reseruauit, fauore eorum,
 quorum opera vehuntur merces, ne (ut opinor)
 cogerentur in eorum controuersias exactioni-
 busque iudices adire, & ordinaria subire iudicia
 quibus etiam pro commodiori eorum expedi-
 tione per certos vicarios substitutos apud ipsos,
 & super ripa fluminis residentes ius dicit, quorū
 vnus maritimis & inferioris ripæ mercibus præ-
 est, quem camerarium ripæ vocant. Is est semper
 Romanus ciuis, quod eius electio, & totius quasi
 foraneæ audientiæ suæ regimen Populo Roma-
 no, cui mercium frequentia præcipue expedit,
 antiquitus demandata sunt. Alter verò mon-
 tanis & superioris ripæ mercibus, quam in disci-
 men alterius, Ripettam vulgò nominant. Quod
 si litigatores, vel pro grauitate causæ, vel in om-
 nibus appellantes velint in camera audiri, eo-
 rum similiter audientiæ, ac suarum causarum
 decisio pro commodiori ipsorum expeditione,
 vni ex Patribus ad partem demandatæ sunt, qui
 se propterea nedum Cameræ Apostolicæ cleri-
 cum, sed & ripæ & ripettæ & Præsidentem vo-
 cat: quod munus consuevit, aliàs vni & seniori
 omnium Decano perpetuò dari, hodie vnicui-

G

que

que ad tempus per turnum (vt aiunt) cōceditur. Solentque similiter alias causas, sed audiendas tantum & auditorio referendas ad petitionem partis inuicem distribuere, & sedentes in loco publico omnes litigatorum petitiones seu (vt aiunt) instantias audire, quas alter ex Patribus clericis certo libro, quem Decretorum nominant, ad partis suggestionem recipit & conscribit, quibus receptis solent Patres se in secretiori loco renotare, vbi singula petitiones & contradictiones huiusmodi in libro receptæ leguntur. Aliæ verò disputantur in tres partes, & re digesta, solet is, qui scribit ex plurium voto in margine libri & fronte petitionis huius audientie responsa, seu decreta adscribere. Soli tamen clerici dant vota, ceteri omnes ad consilium suum proferunt sententiā. Is verò ex patribus, qui scribit, (quod munus menstruum cuique ex patribus ipso ex turno contingere solet) librum decretorum interim apud se, & in domo sua retinet, ad quem & litigatores & notarij aditum habent, decreta in suis causis vident, & apud acta actuarij notant sub citationibus partium, quarum cedula eiusdem notarijs causarum actuarijs ante audientiam per litigatores dari solent. Notarij * autem numero sunt decem, quorum munera
 3 fuere acta causarum cameralium ceu ipsarum actuarij summa fide conscribere, consensus contrahentium in beneficialibus dispositionibus recipere, ac secum supplicationes summarium, & datam demum omnia in libris publicis camerae Apostolicæ per extensum adnotare. Qui libri omnes in publico loco, & archiuo seruari solent, ad quā notarij omnes pro libito aditum habent.
 Ipsi.

Ipsi que sunt huius loci custodes ac literas Apostolicas, quæ per Cameram expediuntur in alijs libris archiuji ad hunc usum destinatis de verbo ad verbum registrare, prout supra, ubi de expeditione literarum per Cameram fusius loquuti fuimus.

De Camerali carcerum visitatione.

C A P. X I I I.

S V M M A R I V M.

- 1 Carceres singulis mensibus visitantur.
- 2 Iudicum visitantium carceratos quale sit munus.

Verum cum ingens tot iudicum Rom. Curia numerus ingentem quoque præ populi multitudine habeat semper carcerum copiam, & quisque ad partem suos audiat & iudicet, plerumque euenit, vt reorum causæ ob iudicum occupationes, nonnunquam etiã ob culpam longius producantur, quam causæ ipsæ & mala carcerum mansio desiderent. More a introductum est, vt Patres * ipsi tanquam supremi iudices, vt supra, omnes, vices ipsius Principis regias gerentes, pro pietate sua sæpius in anno, vt pote singulis mensibus carceres omnes visitent. Non tamen omnes, qui in camerali audientia locum habent pro simili carcerum visitatione conueniunt, sed loco Reuerendiss. Camera-rij is, qui vices suas gerit, ac semper alter ex septem partibus clericis, & secum quoque omnes alij, quos supra diximus cameræ ministros, Thesaurario & Præsidente exceptis, ac cuiusque ipsorum Vicarij Latrunculatores. Hi * omnes indicta die apud singulos carceres Vbis

G 2

per